

Universitätsbibliothek Paderborn

**Disputationum// Roberti Bel-/Iarmini Politiani,// Societatis
Iesv// De Controversiis// Christianae Fidei, Adver-/sus
huius temporis Haereticos,// Tomus ...**

De Sacramento Evcharistiæ - Sex Libris Explicata

Bellarmino, Roberto Francesco Romolo <Heiliger>

Ingolstadii, [1589]

VD16 B 1603

III. Ex figuris Testamenti veteris demonstratur præsentia corporis Domini
in Eucharistia.

[urn:nbn:de:hbz:466:1-54113](https://nbn-resolving.de/urn/resolver.pl?urn=urn:nbn:de:hbz:466:1-54113)

dicit, nos carni Christi dentes insigere; & CYRILLVS loco notato: Carnem suam, inquit, tangendam prabet.

CAPVT TERTIVM.

Ex figuris Testamenti veteris demonstratur praesentia corporis Domini in Eucharistia.

NUNC, ut ad probationem accedamus, Catholicam veritatē, quatuor argumentorum generibus confirmabimus, ac simul respondebimus ad ea, quæ aduersarij in unoquoq; genere obiiciunt. Ad PRIMVM genus argumentorum pertinent Scripturæ testimonia; ad SECUNDVM, testimonia veterum Patrum; ad TERTIVM, Ecclesiæ consensus; ad QUARTVM, variæ rationes. Ex Scripturis quatuor argumenta peti possunt. PRIMVM, ex figuris SECUNDVM, ex promissione. TERTIVM, ex institutione. QUARTVM, ex vñu.

Ex figuris igitur Testamenti veteris sumitur hoc argumentum. Figuræ necessariò inferiores esse debent rebus figuratis. Figuræ autem Sacramenti Eucharistiae, vel sunt excellentiores, vel non inferiores simplici, & naturali pane, significante corpus Christi: igitur Eucharistia non est simplex, & naturalis panis significans corpus Christi, sed est ipsum corpus Christi, panis verè cœlestis, & supersubstantialis.

Maior propositio ex Apostolo Paulo certissima est, qui Coloss. 2. comparat figuras Testamenti veteris vmbbris, implectionem autem corpori. Et Hebr. 10. comparat easdem figuras vmbbris, veritatem autem imagini. Vmbra enim non est vera imago, sed vel est inanis similitudo imaginis, qualis efficitur, cùm quis ambulat in sole; vel certè adumbrata imago in tabula, nondum expressa, & perfecta. HIERONYMVS in cap. I. ad Titum, ut in re clara non multiplicem testes: Tantum, inquit, interest inter panes propositionis, & corpus Christi, quantum inter vmbram & corpora, inter imaginem & Veritatem, inter exemplaria futurorum, & ea ipsa, qua per exemplaria figurabantur. Sed etiam absque his testimoniis dubitari non potest, quin figura seruat veritati, & per eam impleatur, ac perficiatur.

Minor propositio duplum probari potest. PRIMVM, ex his figuris, quæ sunt æquales pani. DEINDE ex his, quæ sunt præstan-

præstantiores. Figuræ æquales sunt illæ, quæ in pane sitæ erat.
 PRIMVM panis, quem protulit Melchisedech, Genes. 14. cum
 enim fuisse figuram Eucharistiae docet CHRYSTOMVS,
 hom. 35. in Gen. Vides, inquit, quomodo Sacramentum nostrum
insinuat, & id est cypum, cogita, oro, veritatem. Idem habent
 alij Patres, Cyprianus lib. 2. epist. 3. Arnobius in Psal. 109. Am-
 brosius lib. 4. de Sacram. cap. 3. Hieronymus in cap. 26. Matth.
 Clemens lib. 4. Stromatum. Eusebius lib. 5. demonstrat. Euan-
 gel. cap. 3. Damascenus lib. 4. cap. 14. DE INDE erat panis pro-
 positionis, qui solum à pueris, & sanctificatis comedи poter-
 rat: Exod. 40. & 1. Reg. 21. quem figuram Eucharistiae fuisse
 cestantur Hieronymus in 1. cap. ad Tit. Damascenus loco no-
 tato, & Cyrilus catec. 4. mystag. ITEM panis primitiarum Le-
 uit. 23. ad quem alludens Irenæus lib. 4. cap. 32. vocat Euchari-
 stiam primitias diuinorum munerum in nouo Testamento.
 DENTIQUE panis ille Angelicus, quo Heliæ roboratus 40.
 dierum spatio ambulauit, vsque ad montem Dei Oreb, ybi &
 Deum quodammodo vidit, 3. Reg. 19.

Ex præstantioribus tres sunt præcipue figuræ, quæ robu-
 stissima argumenta Catholicis præbent. PRIMA, Agnus Pa-
 schalis, quem figuram Eucharistiae fuisse docent multi vete-
 rum; vt Tertullianus lib. 4. in Marcionem. Isichius in cap. 23.
 Leuit. Hieronymus in cap. 26. Matt. Chrysostomus homil. de
 proditione Iudei. Cyprianus lib. de vnit. Ecclesiæ. AVGUSTI-
 NVS li. 2. contra literas Petilianii, cap. 37. *Aliud est, inquit, Pascha, quod Iudei de qua celebrant, aliud, quod nos in corpore, & sanguine Domini accipimus.* Leo serm. 7. de passione Domini. Gregorius hom. 22. in Euangelia. Et ex ipso Euangilio Matt. 26. Luc. 22. manifestè colligitur: non enim alia de causa Do-
 minus post Agnum Paschalem ritu Iudaico manducatum, con-
 tinuò Sacramentum Eucharistiae instituit, nisi ut significaret,
 vt ait Leo loco citato, antiquam obseruantiam nouo Sacra-
 mento adimpleri, & tolli. Deniq; constat Agni Paschalis cæ-
 remoniam non tam fuisse positam in immolatione, quam in
 mandatione, vt patet Exod. 12. igitur illi respōdet in Testa-
 mento nouo Agnus ille, q; tollit peccata mudi, quatenus mā-
 ducatur; quod certè nō aliter fieri solet, quam in Eucharistia.
 Iam verò Agnum Paschalem Iudeorum rem fuisse præstan-
 tiorem Eucharistia nostra, si in ea non verè Christi corpus
 continetur, nullo negotio demonstrari potest. Si enim confi-
 deremus

deremus agnum & panem, ut res naturales, dubitari non potest, quin agnus excellat: Si vero ea consideremus ut Sacra menta, id est, symbola externa, eo modo etiam agnus excellit. Nam caro Christi melius significatur carne agni, quam pane: itē mors Christi melius significatur morte agni, quam fractione panis; Christi innocentia, mansuetudo, & aliae proprietates melius significantur per agnum illum electum, anniculum sine macula, qui in lege iubebatur immolari, & manducari, quam pane, qui nihil horum habet: effectus etiam Sacramenti, siue sit nutritio quādam spiritualis, siue excitatio fidei, melius obtinetur per esum agni, quam per esum panis. Magis enim caro nutrit, quam panis; & id etiam fidem magis excitat, quod melius representat Christi mortem. Quare illa verba Domini: *Hoc est corpus meum, aptius per metonymiam dici possunt de Agno Paschali, quam de pane Eucharistiae.*

ALTERA figura est sanguis Testamenti. Nam Exod. 24. & Hebr. 9. describitur Testamentum vetus, ubi legimus, Moysēm nomine Dei mandata legis proposuisse: deinde aspersisse sanguinem in populum, ac dixisse: *Hic est sanguis Testamenti, quem misit ad vos Deus.*

Impleta est autem hæc figura in institutione huius Sacramenti; quod facile probari potest: posset enim aliquis existimare, illam esse figuram passionis Christi, & non institutionis huius Sacramenti. Probatur igitur PRIMO, quia Lucæ c. 22. disertis verbis Dominus ait: *Hic calix nouum Testamentum est in meo sanguine*: igitur in ipsa cœna Testamentum institutum fuit. SECUNDO, quia videtur Dominus de industria utri voluisse iisdem ferè verbis, quibus usus fuit Moysēs: nam Matt. cap. 26. ita scribitur dixisse: *Hic est sanguis meus novi Testamenti.* Et præterea TERTIO, tunc Dominus propositum etiam legem, ut antea fecerat Moysēs, cum ait, Ioan. 3. *Mandatum nouum do vobis, ut diligatis in unicum.* & aspersit sanguinem in pectora discipulorū; quorum neutrum in passione factum legimus. QUARTO, Testamentum fieri debet ab homine libero, ante mortem coram testibus, & per aliquid publicum instrumentum, quod exstet ad memoriam. Hæc omnia videmus adfuisse in ultima cœna, non autem in passione. Nam in ultima cœna Dominus adhuc liber erat, in passione autem, erat quodammodo iuris alieni, cum vincitus esset in manibus Iudeorum. Item in ultima cœna testes aderat

Apostoli,

Apostoli, & confectum est publicum instrumentum extans ad memoriam, id est, Sacramentum ipsum Eucharistiae. In passione autem inimici aderant, non testes, excepto Ioanne, neq; ullum tunc instrumentum factum est. Deniq; in vltima cœna Dominus viuebat, in passione non tam viuebat, quām moriebatur. Vnde Apostolus Hebr. 9. dicit: Testamentum morte confirmari; non enim valet dum viuit, qui testatus est, quasi dicat, ante mortem fieri, sed morte consequēte firmari.

Hoc ergo posito, sanguinem illum Testamenti veteris, figuram fuisse sanguinis, qui nobis datur in Eucharistia; iisdem argumentis probari possit, meliorem fuisse figuram re ipsa figurata, si ibi verus sanguis, hīc tantū sit vinum, quibus probauimus Agnum meliorem esse pane. Sanguis enim, & nobilior substantia est, quām vinum, & melius representat Christi sanguinem, quām vinum.

T E R T I A figura est Manna, quod Iudæis in deserto pluebat, Exod. 16. fuisse enim Manna figura Eucharistiae, patet ex verbis Domini, Ioan. 6. Patres vestri manducaverūt Manna in deserto, & mortui sunt; qui manducat hunc panem, vivet in eternum. Idem PRAETEREA colligitur ex Apostolo, qui Corint. 10. mare rubrum comparat Baptismo, & Manna Eucharistię. IDEM & Patres docent, Chrysostomus, Cyrillus, Theophylactus, & Augustinus in cap. 6. Ioan. & præterea Ambrosius lib. 5. de Sacram. cap. 1. & de iis, qui init. myster. cap. 8. & 9. DENIQUE tanta est inter Manna, & Eucharistiam similitudo, ut res ipsa clamet, illud huius fuisse typum. Manna datum est in deserto, dum filii Israël transito mari rubro ad terram promissionis pergerent: ita etiam (vt notat Augustinus tract. II. in Ioan.) Eucharistia datur in huius vitæ deserto, dum post Baptismum tendimus ad veram patriam nostram, quæ est vita eterna. Deinde Manna id habuit singulare, ut licet aliqui multum, aliqui parum collegisse viderentur, omnes tamen eandem mensurā inuenirent: Exod. 16. quod certè apertissimè quadrat in Eucharistiam, cùm idem sit Sacramentum, eadem virtus, idem fructus in magna parte signorum, & in parua. Denique non caret mysterio, quod & Manna, & aqua de petra, quibus utraque species Sacramenti figuratur, contemptum, dubitationes, & contradictiones passa sint, & propterea multi inde perierint, vnde refici debuissent. De Manna Psalm. 77. Nunquid panem poterit dare, aut parare mensam

Cc populo

populo suo? Et Numer. 20. legimus aquam illam, aquam contradictionis appellatam. Et Numer. 21. Anima nostra naufragat super cibo isto leuisissimo. Ibidem describitur strages occisorum propter huiusmodi murmurationes. Porro dubitationes, murmurations, & contradictiones circa Eucharistiam hoc potissimum tempore notissimae sunt. Et certe si (ut Apostolus ait, 1. Corinth. 11.) multi dormiebant, id est, moriebantur corporaliter olim, quia indignè sumebant Eucharistiam, multò plures credendum est mori in aeternū, propter contemptum, & blasphemias in tam admirabile Sacramentum.

Iam vero, quod Manna res fuerit multò prestantior, quam Eucharistia, si ea nō verè continet corpus Domini, facile probari potest. Nam si consideremus Manna, & panem Eucharistiae, ut dona quædam, abstrahendo à significatione; Manna fiebat manibus Angelorum, vnde dicitur panis Angelorum, Psalm. 77. & Sapien. 16. Panis Eucharistiae fit manu pistorum. Manna pluebat è cælo; pánis iste è furno prodit. Manna habuit omnem saporem, immò summo miraculo, cuique sapiebat, quod is desiderabat, Sapien. 16. panis, nihil nisi panem sapit. Quid igitur est, quod Christus Ioan. 6. ait: Non Moyses dedit vobis panem de cælo, sed Pater meus dat vobis panem de cælo Verum; & alia quæ ibidem subiungit, longè anteponens Eucharistiam suam Mannæ Iudæorum? Si vero consideretur ut symbola externa, melius Christum significat Manna quam panis, & quia illud erat è cælo, & quia habuit omnem saporem, & quia equa mensura sumebatur ab omnibus, licet diuersa esse videretur.

CAPVT QVARTVM.

Refellitur solutio aduersariorum ad argumentum nostrum.

 D HOC argumentum respondet Petrus Martyr in sua defensione de Eucharistia, parte 3. pag. 692. ac duo docet. PRIMO iacit fundamentum quoddam, videlicet in Sacramentis veteribus fuisse symbolum externum, & rem ipsam, sicut in nostris; & licet symbola nostra, & illorum sint diuersa, tamen rem esse eandem. Et probat ex Apostolo 1. Corinth. 10. qui dicit, Hebreos eandem nobiscum escam manduasse; & ne quidquam diceremus, eam ait disertis verbis fuisse Christum.

At